

Ny Tantaran'i Anselme Lanturlu

Jean~Pierre Petit



Nadikan'i Jean Elysé Rajaofetra

Savoir sans Frontières

Association Loi de 1901

Villa Jean-Christophe, 206 Chemin de la Montagnère, 84120 France



Jean-Pierre Petit, Filohan'ny Fikambanana: mpitantana mpikaroka tao amin'ny Cnrs, astrôfiziana, mpamorona karazan-javatra tsy mbola fahita; tantara an-tsary momba ny Siansa. Tamin'ny 2005 izy dia nanapa-kevitra ny hametraka ireo sangan'asany, izay mihoatra ny roapolo, ao amin'ny Internet, ho azon'ny rehetra jerena sy ampiasaina maimaim-poana. Dia nanangana fikambanana iray antsoina hoe "Fahalalana tsy misy fefy" koa izy, izay mikendry ny hizara maimaim-poana manerana izao tontolo izao ny fahalalana, ao anatin'izany ny fahalalana siantifika sy teknika. Fanomezana avy amin'ireo malala tàmàna no ampandehanana ity fikambanana ity, ka anakaramana mpandika teny 150 euros (taona 2006) - ny saran'ny fandefasana ny vola any amin'ireo mpandika teny ireo dia raisin'ny fikambanana an-tàmàna avokoa. Maro ireo mpandika teny, ary mitombo araka izany ny isan'ny boky voadika (fiteny 18 tamin'ny taona 2005). Ity boky pdf ity dia azo ampiasaina malalaka, na amin'ny ampahany na izy manontolo, azon'ny mpampianatra atao fitaovana fampitana lesona, nefa tsy ekena ny manao fitadiavam-bola amin'izany. Azo apetraka any amin'ny trano famakiam-boky monisipaly, na any an-tsekoly, na any amin'ny oniversite amin'izay endrika mifanaraka amin'izany (printy na ampiasana solosaina fifandraisana Intranet).

Efa nanomboka ny asa mikendry hamenoana ireo antontam-boky ireo koa ity mpikaroka ity, amin'ny famokarana boky misy tantara an-tsary mora vakiana (ho an'ny ankizy 12 taona). Efa an-dàlana ihany koa ireo boky « miteny » izay natao indrindra ho an'ny olona tsy mahay mamaky teny sy manoratra, ary boky amin'ny fiteny roa karazana ho fianarana tenim-pirenena vahiny miainga amin'ny fitenin-drazana.

Ny fikambanana dia tsy mitsahatra mitady mpandika teny avy amin'ny firenena mampiasa ny fiteny hamadihana ny boky, ary manana fahaizana teknika hahazoany manao izany ho lavorary.

Raisina an-tàmànan-droa koa ny fanomezana (seky atao amin'ny anaran'ny "Savoir sans Frontières"). Ny fidiram-bolan'ny fikambanana ny taona 2006 dia hatokana amin'ny fandikana boky.

<http://www.savoir-sans-frontieres.com>

Jean Elysé Rajaofetra



J'ai 33 ans et je suis gestionnaire comptable. En dehors de cette profession, j'ai déjà eu de modestes expériences en traduction dans les langues malgache, française et anglaise. Cette nouvelle exploration avec Savoir sans Frontières m'a permis d'étendre mon horizon et surtout de me retrouver dans l'âme de mon peuple – selon l'expression de Jean-Pierre Petit.

J'ai aussi une passion, c'est que je m'adonne particulièrement à l'art et à la science. Et dans ce sens, j'ai imaginé depuis quelques années, alors que j'étais membre d'une association d'artistes plasticiens, de mettre sur pied un projet d'exposition alliant l'intelligence à la beauté. Ce projet serait baptisé *Plasticième Dimension*.

Enfin, je tiens à remercier une amie, Alice Courvoisier, chercheur en astrophysique théorique à l'université de Leeds en Angleterre, pour m'avoir encouragé à entreprendre cette traduction. Alice est également une fervente admiratrice de la Grande Ile.

Ny fitantanana sy ny fandraharahana no toerana misy ahy eo amin'ny asa amandrahara. Efa nisy koa anefa ny fotoana nahazoako nampiasa ny fahalalana hany nananako teo amin'ny sehatry ny fandikana tenim-pirenena, ary ity fiarahana amin'ny fikambanana antsoina hoe Fahalalana tsy misy Fefy ity, dia tena mahafinaritra tokoa. Maro ny zavatra hitako sy norantoviko avy amin'izany teo amin'ny fanabeazam-boho ny tenindrazako. Ary araka ny tenin'i Jean-Pierre Petit, filohan'io fikambanana io, dia "fanahin'ny olona ny teny". Izaho koa dia mpandàla ny zava-kanto sy ny siansa, ary efa nieritreritra ny hanomana hetsika fampirantiana ho fanehoana ny fifandraisan'ireo taranja roa ireo.

Dia misaotra manokana an'i Alice Courvoisier koa aho etoana, noho ny fampirasihana ahy mba handika amin'ny fiteny malagasy ireo tantara an-tsary ireo. I Alice moa dia mpikaroka ambony momba ny astrofizika any amin'ny oniversiten'i Leeds, any Angletera, sady tia mitsidika an'i Madagasikara.

rajaofetra@hotmail.com

SASIN-TENY

Indray andro hono tany Borderia...



Eee...
Dia manefy
tanimanga fotsiny
ny andron'ilay
'zalahy ity.

Indreo ary,
tompoko


Rehefa maina ireo
dia ataovy ao an-dafaoro.
Fa mandehana maka kitay aloha.

Hitan'ialahy io lafaoro io !
lovako avy tamin'ny raiko io,
miaraka amin'ny tany.
Ny rainy no nanome azy,
ary ny dadabeny koa
tahak'izany.



Efa an-jato taonany maro izay
no nanafenay Xbreuh tanimanga.

Manefy tanimanga
no lahasa-"nay" !



Ary aza mihetsiketsika moa leitsy a !
tsy misy ametrahako ireto entana mihitsy.



Ah ! ity ikaky Kroumir.



NY FIFANAKALOZANA


Alefa, trondro efatra atakalo tavy iray.

Tsia, enina !


Tahaka ny mahazatra ihany,
mbola **MAMETRA NY TAHA**
ry zareo. Ary ianao, manao
ahoana ianao izao ?



Mmmanjono trondro ho an'ikaky aho.



Nefa dia sakafo tsizarizary no mba omeny ahy.
Ka inona moa no azoko atao eo ? Ny fokon'ny Kroumirs
no tompo'ny renirano, ary izaho dia Teuhl.
Araka ny **LALANA**, ny Kroumirs ihany no afaka
mitrandraka ny renirano nomen'ny andriamanitra Kefal.




Ieee ! misy tahaka izany koa
any aminay any Borderia.




Inty !

Dia tahak'izay ny fizotran'ny fiainana.
Ny Borderiana izay nahay nanefy tavy dia
nanakalo trondro izany tamin'ny Kroumirs.
Ny Polaks avy any atsimon'ny indray nitondra sira.
Dia afaka nitahiry trondro tao anaty tavy ry
zareo rehefa voaisy sira izany.
Izay no nahatonga ny fifanakalozana tamin'ny
Polaks. Ary ny Polaks indray koa dia sahala
amin'izay...

INDRAY ANDRO...



Manorisory ahy ity rohana ity !
Ialahy no mankany amin'ilay Kroumir,
miaraka amin'ny tavy hatakalo. Kanefa izao :
hampianariko **MANISA** aloha ialahy,
sao dia voafetsiny any.



hampianarina
inona ah !

NY FANISAM-BOLA


Hatoroko an'ialahy ny **TSIAMBARATELON'NY RANTSAN-TANANA**.
Henoy r'ily adala be ity ah ! Ity tanan'ialahy ity. Misy rantsana eo an ?
Ny rantsana tsirairay dia manana taolana mifanaraka aminy.



Tsy tokony ampianariko akory izany. Saingy izao, raha tsy manoro aho dia fantatro fa hofetsen'ily Kroumir ialahy, tahaka ny fanao trondro anaty sira.



Nefa, izaho dia tsy tiako ny fetsena.




Ny ankihibe no ampiasain'ialahy hanondroana ny taolan-drantsana, araka izao. Rehefa vita izay, dia manome **DOZENINY**.
Avy eo mampiasà hodi-kazo hanamarihana izay rehetra izay.

Mandehana ! ary tandremo tsara mba tsy hambaran'ialahy na amin'iza na amin'iza izany. Raha tsy izany dia hofaizin'ny andriamanitra Wall ialahy.
Dia eto aty amiko izay asa vita !....




Fa raha mangalatra amiko ialahy, dia hahita ahy...


NY NAHATERAHAN'NY VOLA




Ary aiza ilay
Xbreuh lahy iny ?




Tsy afaka izy fa nasian'ny
fanahy mpandamaka ny tongony.




Fa ... aiza daholo ny trondro ?



Tonga teto ireo Polaks avy
any atsimo. Handeha hiady hono
ry zareo, ka dia saika lasany
avokoa ireo trondro.





Ireto izao no sisa
tavela eto amiko.



Dia ahoana izany no hataontsika ?
Izaho kosa aloha tsy mahatondra ireto tavy ireto miverina.

Afaka manome tsara kokoa ho anao aho. Hitanao ireto zavatra vita amin'ny vy ireto ? Ny iray amin'ireo dia **MAHASOLO** trondro iray.



Tena hitako tsara io!
Saingy inona no holazain'ny tompoko raha ireo no entiko any aminy, izy nefa manantena trondro tena izy ?


Ireo trondro vita amin'ny vy ireo anie ka tena be mpitady mihitsy e !
Indraindray aza ny Polaks avy any atsimo dia tonga manakalo ireo amin'ny sakafo.
Ny mpihaza moa dia mampiasa azy ho lohan-jana-tsipika. Ary raha aempo aza hono izy ireny dia mbola azo anamboarana zavatra maro hafa ihany koa.



Tsia, tsy **MATOKY** izany aho !
Kely loatra ity izy. Ho body mafy eo aho !


Dia ahoana no ho fanisanao amin'ireto tavinao ireto ?
Ho moramora kokoa izy amin'ity fomba iray ity : trondro iray, zavatra iray, trondro iray, zavatra iray.

Amin'izay tsy ho diso ianao.
Jereo, afaka manao vakana aminy ianao :
amin'izao koa izy dia tsy ho very eraky
ny lalana mihitsy! (*)




(*) Fomba noraisina taty aoriana elabe tany amin'ireo tanàna mediteraneana sasany.

NY VAROTRA



Ny VOLA izany dia ahafahana manao fifanarahana ara-barotra izay tsy mitaky fifanakalozana amin'ny alalan'ny vokatra na entana azo ampiasaina, jifaina avy hatrany. Ilay Xbreuh dia mampiasa ireo sombi-metaly amadihany ireo tavy tanimangany ho tonga hena sy alokola. Mila mitana mandritra ny fotoana voafetra zavatra tsy azony ampiasaina mivantana izy amin'izany, fa hataony ho VOLA FANAKALOZANA kosa.



Ny tombony dia izy maivana.

NY FANDROSOAN'NY FANJIFANA


Nanapa-kevitra aho. Mbola hanao tavy ihany ialahy, ary tena antontany mihitsy. Tsy trondro tena izy kanefa no hanakalozan'ialahy azy fa ilay zavatra nentin'ialahy farany ireny, mba hahazoako mividy hena sy fanafody be dia be.



Dia manao ahoana izany hoe manamboatra tavy tanimanga avo telo heny ? ...
- Avo telo heny mihoatra noho izay **ILAINA** .



Manjary mikiky taolam-be, raha taolan-trondro no fitsentsitro teo aloha.



Wall ô !
miha-
mavesatra izay
tsy izy ireto
entana ireto
marina !



Hmm ! hafa indray ity. Toa
lasa nisy soratsoratra indray
ireto trondro kely vy marina !

Ah ! tsy
fantatrao angaha ?

Ny Polaks avy any atsimo dia niady tamin'ireo izay tandrify azy.
Nanao izay nahatezitra ny mpanjaka NUMIS izy ireo tamin'izany, ka
nofaiziny, hany ka nanjary teo ambany fahefany avokoa ny firenena manontolo.
Ary hitany koa fa hafakely ilay hevitra amin'io trondro kely vy io,
dia notanany avokoa ny toeram-pitrandrahana sy ny toeram-panefena rehetra.
Dia izy ankehitriny no tompo-marika sady mitana ambongadiny io raharaha io.
Ahitana ny tombokaseny manokana ny tsirairay amin'ireo trondro kely.




Ah ! fa izao : izay rehetra
misehoseho manamboatra tahaka io
dia aripany avokoa !

AAAHHH!



NY ANKAPOBEM-BOLA

Ao andapan'ny mpanjaka NUMIS :




Ity zavatra noforonin'ny Polaks,
ity lazaina hoe **VOLA** ... dia tena maha-
talanjona tokoa ! Izao vao tena hovidintsika
izany ny tany manontolo koa !




Ny zavatra
hary rehetra mihitsy
ry mpanjaka ô !

Marina izany, ndao hovidintsika avokoa !



Tena mandeha tsara ny tsena ry Sophia. Nanafatra entana be dia be tamiko
ny mpanjaka NUMIS. Nanapa-kevitra hanasa ny mponina rehetra eto ambonin'ny
tany hisakafo izy, ka mila trondro efa voatahiry tsy toko tsy forohana.



Hoezahintsika ny hampitombo
ny jono araka izay azo atao. Hanenona
harato goavam-be ianao mba hahazoantsika
mitrandraka tsara ny farihy.

Ento aty ny vola !



I Anselme indray dia tsy maintsy nanamboatra tavy tanimanga tsy tambo nisaina ho an'ilay Xbreuh tany Borderia.

Efa lasa tanaan'ny tanaan'ny tånana izay. (*)



Ah ! ilay lohan-jana-tsipika ohatr'itony ve ? Efa manana ireny zavontany izahay. Jereo raha tsy efa feno daholo ny tranon-jana-tsipikanay. Tsy mila intsony izahay ka ...

Sady vyyy...
vy koa anie
io e !



Farafaharatsiny
inefatra ny tånana
atakalo iray
litatra.

Tany amin'ireo Tayaks kosa tamin'izay...

Fanafody roanjato litatra ampiasaina amin'izao fanahy amin'ny tongotrao izao, ... dia inona indray koa ?



Kaaa... izaho anie manana **HANDOAVANA** e !
manam-bola aho !


Tsy afaka manao izany ialahy isany !
Hatramin'izay, lohan-jana-tsipika iray ny iray
litatra ! Azoko terena hanaraka izay sanda
efa nifanakalozana izay ianareo !



Hay ve ! Ndehana ary alaivo ry zalahy
ny ditin-kazo sy ny volon'akoho ah !!!

(*) $12 \times 12 \times 12 = 1728$

(Ny tånana iray dia manana taolan-drantsana roa ambinifolo.)




Fa inona no nahazo
anao tompoko ?

Tsy mila ireny trondro vy
ireny intsony hono ireo Tayaks e !

Niampita arak'izany ny toe-draharaha...




Ireto ny tavy ho anao.
Nefa trondro TENA IZY no ilaiko !



Na ndeha atao hoe : omenao sila-by
inefatry ny tànana aho ho takalon'ny tavy iray...


Inefatry ny tànana hoe e !?!
Fa ianao ve rangahy ity efa
lasa adala ah !



Afaka fotoana fohy :


Hanafatra entana
aminao ny mpanjaka.

Lazao amin'ny
mpanjakanao fa...




Inona tsara ity lazainao, ry
miaramila ? Sila-by inefatry
ny tànana atakalo trondro
iray !!!

Omany ny hazo maranitra !



Ry mpanjaka, aleo ihany
mitony aloha, fa tsy mitondra
vahaolana izany.

Aleo miheritreritra tsara izay
nahatonga izao toe-javatra izao.



Ny Polaks avy any
atsimo no namorona
ity zavatra antsoina
hoe VOLA ity.
Toa mety amin'ny
fiainantsika mihitsy
izy ity, saingy misy
lafiny tsy voafehintsika.

Ary raha toa ka ny Polaks
no angatahintsika hamaha izao
olana izao ?

Indrisy
mantsy ! Efa
matintsika avokoa
izy ireo.

Raharaha izany !...

Fony **NAMOAKA** ity **VOLA** ity isika, ny **TAHA**
tamin'izany dia singany iray atakalo trondro iray.
Avy eo dia te-hamoaka **NISINISY KOKOA** isika,
kinanjo nanjary **TSY VOAFEHY** ny vidiny.

Tsy maintsy
hatsahatra avy hatrany ny
fanamboarana ireo vola
ireo.

Tany amin'ilay Kroumir indray, ny fampiasan-kery nampihariny mpanjaka NUMIS
dia niteraka zavatra hafa :

Io fotsiny ve no mba
azon'ilay kary vavy ity !?!

Aza misendoatra tahak'io moa ianao. Tsy hitanao fa noho ity
fanafarana entana ts'isy farany ity dia naringantsika ny trondro.
Ritra tanteraka ny fanambanin'ny farihy.

Nihena antsanany ny habetsahan'ny trondro ? Mba hitazomako ny
TOMBONY miditra amiko dia hakariko indroa avo heny ny vidiny.

Ahoana a !!! imbalon'ny tanana be izao !!!
Lasa tena **LAFO** ny trondronao izany koa ...

IZAY TSY AHITANA FIRY DIA LAFO VIDY

Hitanao ry mpanjaka fa mihavitsy ny trondro, hany ka miaka-bidy.
NY FAHAVITSIANA DIA MAMPIAKATRA NY VIDY.



Mety ny volantsika no tsy tena voasafidy tsara tany am-boalohany. Ny vy mantsy izao dia lasa ampiasain'ny be sy ny maro. Anamboarana kodiaran-tsarety aza. Mivoatra ihany koa ny fahalalana momba ny metaly. Aleo izay zavatra hita fa mbola **VITSY** no hanaovana vola.



Dia ahoana ary ?

VOLAMENA



Marina izany. Sarotra vokarina ny volamena, ary mino aho fa tsy hiparitaka eraky ny tanàna mihitsy...

Sady tsy mety arafesina.




Fa ity no manahirana: **TSY AZO ANAOVANA N'INONA N'INONA** satria malemy loatra io karazana metaly io..

F'inona moa no dia tokony ilanao azy ?

Tsy haiko... ny vy izao dia azo arendrika. Dia maro ireo zavatra **ILAINA** an-davan'andro namboarina taminy. Ireny lohan-jana-tsipika ireny, ny fantsika...




Zavatra **FANJIFA** e !




Ah ! nahita azo ampiasana ny volamena aho...




Dia nisy **TSIFIOVAOVANA ARA-BOLA** naharitra tamin'izany tany izany. Nanjary nipetraka ho mpanelanelana tsy azo niodivirana teo amin'ny **FIFANAKALOZANA** ny vola. **NOHARIANA**, nangonina, dia lasa **TAHIRY**.




Nandroso tsikelikely ny varotra. Ilay Xbreuh avy any Borderia dia naharesy lahatra ireo Tayaks ihany hividy tavy tanimanga aminy, ka nanokatra **LALAM-BAROTRA** ho an'ny **FAMOKARANA** ataony, **TSEAM-BAROTRA** vaovao.



Ny mpanjakan'ny Tayaks koa dia nanomboka nankafy fanjifana entana. Tamin'izay nanakalozany hena azo tamin'ny fihazana dia afaka nividy zavatra mahafinaritra maro isan-karazany izy.



NY BANKY



Noho ny fiahiany mba hitsitsy ny volan'ireo vahoakany, ary hialana amin'izay mety hisian'ny fanirian-dratsy, dia nanapa-kevitra izy hametraka ireo vola ireo amin'ny olon-tsotra iray mpifanila-bodirindrina azo itokisana, izay nanaiky ny hitahiry ireo amin'ny toerana azo antoka. Misy hofany kely kosa nefa.


NY FIAKARAN'NY VIDIM-PIAINANA AMIN'NY ALALAN'NY TINADY

Mba henoy azafady ! Ianareo izay miloloha lanitra, eo ambany vahoan'ny hery kosmika, ny fanahy ratsy, ny onja miiba sy ny taratry ny masoandro, ampiasao ity satroka borderiana miavaka ity, fa ho lasa sefo ianao. Mividiana ary **ARO-SEFO** eto aminay !




**ARO-SEFO
AMIDY ETO**

Aza mandany andro any an-tsekoly akory ianao ! Ny satroka gnôzeôzôfika dia manome ny fahalalana rehetra ilainao amin'ny alalan'ny **FAMPITANA ARA-SERVIKALY**.



Anselme Lanturlu, izay eto anatrehantsika, dia bado tanteraka teo aloha. Lasa mahafantatra ny **TSIAMBARATELON'NY RANTSAN-TANANA!**

Ary ilay Xbreuh ity tsy matahotra n'iza n'iza mihitsy amin'ny fanao-vany **DOKAM-BAROTRA** an !



Angaha tsy hinoanao hoe...

F'inona ary ity !

Hiadana isika ry Anselme kely raha izao no fandehany !



Golbara 50 r'ise a !

Telo sisa tavela, tompoko !

He! he!
Golbara 60 ô!

Ary toa ...
nampiakarinao
ny vidiny ?



Ny andriamanitra Wall leitsy no
mametra ny vidiny a ! Matao
mbola mitady ry zareo dia mora
loatra izany ilay vidiny teo !

Noho ny hazo ilaina amin'ny
fandrahoana ireo tavy tsy manjary ireo
dia ritra ity ny ala.



Efa voadiniko avokoa anie e !
Ity menaka mainty ity indray manombok'
izao no hoampiasaintsika. Nafta io.


Ai, ai, izany fofony !



Alefaso,
dia aza mandraharaha
an'izany leitsy a !..



NY FIAKARAN'NY VIDIM-PIAINANA NOHO NY SARA



AFAKA FOTOANA VITSY TATY AORIANA

An? Golbara 30 hoe ny barila a!
Tena nyhahafaty ahy no tadiavinareo!

Raha tsy faly ianao, dia mampiasà kitay e!

Kitay ve e?...

ARO-SEFO

~~Golbara 60~~
Golbara 80

Nakariny ny vidiny tompoko!

Aza mandreraka ahy! Dia ampiakaro
ny vidin'ny barila: tsy hitanao angaha fa
sahirana aho?

Indray andro...

Tsy lasa intsony ity tompoko, fa mangatsiaka aho amin'ny
ririnina, sady tapa-kibo lava izao. Taona maro no niharetako
izany, nefa ianao ity dia miosana tahaka ny kisoa ato!..

AN!!!

Hmm, haiko fa iny vehivavy
miasa eny amin'ny farihy iny no
nambosika izany tao andohan'
ialahy !..



Araka ny reko, toa hoe nanangana
"koperativa" na sahala amin'izany
hono ry zareo any !



Mila karama golbara 5
isan'andro aho...

...ary fialan-tsasatra
iray andro ao anatin'
ny herinandro.

Tian'ialahy hosimbana tanteraka ny tsena?
Ny nafta ity efa tsy maintsy aloako nefa ny
vidiny tsy mitsaha-misondrotra!



Dia ahenao ary ny fisotroanao...
fanafody e !

Golbara 5 isan'androoo !
Ny hamono ahy angaha no
tadiavin'ialahy !



Tian'ialahy ho
potika mihitsy ny
amintsika a !

Golbara 5 isan'andro



Tena nofy
ratsy ity iray
razako !

Izao e ! raha miasa mafy ialahy,
dia tena ho tsara amin'ialahy aho..




Tsia, golbara 5,
izao dia izao !

Fa hataon'ialahy inona daholo
nefa izany vola izany ?



Hividianako lobaka sy
savony !



Aaah, 'zay izany ve e ! Ny haitraitra no mahamaika, avy eo manaraka ny fidorohana sy ny filan-dratsy !

Mahalikiliky ahy mihitsy ianao ity ka !
LOBAKA anie no ilaiko e !

Tomponandraikitra amin' ny fitondran-tenanao aho eo anatrehan'i Wall.

Miaro an'ialahy amin'ny tenan'ialahy aho !

Izay izany no izy fa dia ataovy irery eo ny anao !

Fitiavan-tena izany ! Izy anefa nohasoaviko sy nomeko hanina...

Ah ! Ny fanafodiko !

Vao mangiran-dratsy:


Anselme, midina faingana !
Mila vitaina ny aro-sefo ho an'ny Borotsiana, fa ho avy eo ry zareo rahampitso...

Golbara 5 isan'andro,
ary fialan-tsasatra iray andro amin'ny herinandro no ilaiko !



Tsy izany anie no resahiko amin'ialahy e ! midina !

.. Golbara dimy



Ô la la ! Ry Wall, dia ahoana izany ny Borotsiana. Ho very mpividy aho..

Golbara iray...

Hmnnn ! DIMY !

.. ary ny andro fialan-tsasatro !



Raikitra ...



Miantraika amin'ny tsendra izany ny karama..

NY FIFANINANANA



Fa nan'inona ireto olona androany ry Anselme ?

Tsy haiko koa !






Inty ary ilay ARO-SEFO, izay hiaro tanteraka anareo amin'ny zavatra rehetra !




Azo andramana ve ?

Anandrana ? Aaa... eny ary...




Io vokam-pikarohana io, izay **FAMORONANA ARA-TEKNOLOJIA**, dia nandrava ny asa manontolon'ilay Xbreuh avy any Borderia tao anatin'ny fotoana vitsy monja...



NY TSENAN'NY ASA

Ahoana tsara ? mpanefy tanimanga ianao ? tena tsy ilaiko izany. Mahay manisa ary ve ianao ?

Fanisana mifotra amin'ny isa roa ambin'ny folo anie izany e ! Miala tsiny aho ry sakaiza fa efa fraksiona desimaly izao no miasa.




Tsy araka intsony izy ity noho ireo fandrosoana ara-teknika maro.



Nandritra ny nandalovan'i Lanturlu ny lalan-tsarotry ny **TSIFANANAN'ASA**, Sophia kosa dia teny amoron'ny farihy...

MATKOBOWSKA ! Taorian'izay namonoantsika ilay Kroumir sy nangalantsika ny farihy izay, dia inona no zava-nitranga ?

Isika mpanjono aloha dia tsy maintsy nanohy ny asa. Nandritra izay koa anefa dia tonga daholo ireo karazana mpitsentsitra, ka tsy tafasondrotra mihitsy isika.




Tsara aloha ny Kooperativa-ntsika e !

Kamarady ô ! Tsy tokony hiteny izany ianao. Ny **KOLEKTIFA** anie ady e !
Ianareo izao eto dia miady eo amin'ny sehatry ny famokarana. Ny hafa kosa
miady manoloana ny **FISAINANA POLITIKA** sy ny **RINDRAN-DAMINA**.
Isika izao dia miaina ao anaty **TOE-KARENA VOARINDRA** (*).



Avia jereo kely ary ireo lazainao fa
maherifo amin'ny fisainana politika !

Jereo, manaram-po sy matory fotsiny !



Tsy manaram-po izy ireo fa manandrana.
Izany no atao hoe: fanamarinana kalitao.
Ianao no manana eritreritra hafahafa !



Fanamarinana
kalitao angahaaa !...

Miadam-pinaritra izahay
miaraka eto. Veloma ny tsy
fisian'asa. Misy asa ho an'ny
olona rehetra.



Tsy misy intsony
ny trema.

IRAY amin'ny **FOLO** no tena miasa.
Ny ambiny mitan-takolaka sy matory
fotsiny !

Mitandrema Sophia a!
mpiaro an-dry zareo io,
ka sao idiran-doza eo !

Haiko tsy an-jery daholo izany. Ny ray ao ambony mahalala raha faniriako ny nisian'ny fikomiana. Ary rehefa novonointsika ilay Kroumir, dia tsy mba nitomany azy izany aho. Ka ahoana ary no ataonao mba tsy hisian'ny vondron'olona tsy mahefa na inona na inona, sady kamo no tsy misy hazon-damosina ... nefa manana fieritreretana politika avo lenta. Dia nahoana izy ireo no mahazo ny rambon-trondro fa isika ny lohany ? Inona daholo ny anton'izany **TOMBON-TSOA** rehetra izany ?



Ny foto-pisainanao mitotongana no manajamba anao. Mila mijery ny ankapobeny, fa tsy mifantoka amin'ity tranga tsirairay ity akory.


Any ambadiky ny havoana any izao, any Borderia, ny manjaka dia ny **OLONA MIFETSY OLONA**.



Ny aty kosa dia ny mifamadika amin'izany !

Tafahoatra mihitsy ity lazainao ka ! Handefa tatitra ny aminao aho !..


any amin'ny **RAIN'NY VAHOAKA !**




TANY AMIN'NY MPAJAKA NUMIS :




Tsy tiako hitranga eto izay niseho tany amin'ny faritanin'ny Kroumir tany atsinanana.



Ry mpanjaka, tsy mety intsony izany. Mety hisy voka-dratsiny manty. Isika koa nefa tsy afaka manafisaka ny volamena ampiasaintsika intsony, fa manjary lasa azo hitarafana !




Mora tenenina ery izy izany ...



Inty misy lehilahy voaheloka. Ary tsy mitsitsitsy mihitsy ry zareo izany a ! Azo heverina fa tena goavana ny heloka vitan'ilehio.

Fa inona ny helok'ity lehilahy ity, ry Dekariona ?



Seky tsy misy petrabola !



Ny olona sasany dia mametraka ny volany any anaty lavabato amin'ny toerana azo antoka. Ny indro kely dia tsy mivezivezy intsony ilay volamena, ka tsy azo ampiasaina intsony.



Dia voafetra ny fifanakalozana !



Dia nisy nanana hevitra tahak'izao: soratany eo amin'ny sombin-koditra kely ny hoe "ho fandoavana golbara vitsivitsy na maromaro"; dia avy eo soniaviny. Io no antsoiny hoe **SEKY**. Ny lalàna dia manameloka ho faty izay manome sekimbola mihoatra noho izay golbara ananana ao an-davabato, atao hoe **BANKY**. Azo atao arak'izany ny mandoa vola amin'ny alalan'io sombin-koditra io.



Ary dia lasa ny olona avy eo mandeha any an-tendrombohitra manakalo ireo sombin-koditra amin'ny tena golbara volamena.




AAAAGHH!

Misaotra anao aho ! Ndehana ary miala sasatra amin'izay ! Sady hitako fa nitsemboka mihitsy ianao nanazava izany tamiko.

Loza no miandry ahy, ry Wall ô !...
raha tsy mahita vahaolana faingana aho.





Hmm...



Ary !..




Hitako !!!!



NY VOLA TARATASY

Ry mpanjaka, hanokatra banky isika,
ka hataontsika hoe Bankin'i Borderia.



Dia ahoana?
Tsy hitako izay tombony.
Vao mainka ary hanano sarotra
amin'ny tsy antony ny
fiainantsika !

Dia hitarintsika amin'ny besinimaro
ny fampiasana seky !

Amin'ny voalohany dia horaisintsika ireo volamena ananan'ny olona, ka hotehirizintsika ao amin'ny bankintsika, dia sady hampirisihana koa izy... Ho takalony dia homentsika taratasy misy ny soratra hoe "ho fandoavana golbara vitsivitsy na maromaro" ry zareo. Avy eo hataontsika izay fomba tsy hisian'ny vola hafa mifamezivezy afa-tsy io taratasy io ihany.

Kanefa ... tsy mampitombo ny harenantsika anie izany e ! ?

Ah, andraso ... hitako, manomboka takatro ny tiana ambara.

Halefantsika hiparitaka koa ireo golbara taratasy ireo. Hisy vola taratasy mihoatra lavitra noho ny golbara volamena mazava ho azy.

Hmm... Hita mihitsy fa nihen-danja ny golbara volamena, nefa iza moa no hahatakatra fa hanaparitaka ity **VOLA TARATASY** ity isika ?

Ity vao tena hoe seky ts'isy anto-bola goavana hana-tantara tokoa.

Vola ho an'ny gidro e !

... oay leity e !

Hmmm ?!..

Ha an an ka !..

Andraso kely: raha manaparitaka golbara taratasy be loatra isika, dia tsy maintsy hanontany tena ny olona. Ary raha toa ka tena be loatra aza dia tsy haharaka intsony ny takalo amin'ny golbara volamena raha amin'ny fotoana iray izany no atao, ka tsy ho voatazona intsony ny **FITOVIANA**.

Fanamarihana: azoko hatao foana ny mandà ny fanakalozana...

Mety hampikotaba ny olona izany, ry mpanjaka: ho very tanteraka ny **FAHATOKISAN'** izireo ny **VOLA TARATASY** antsika.


Raha manaparitaka golbara taratasy indroa avo heny amin'ny isan'ny golbara volamena isika, dia tsotra: iray no atakalo roa.

Hitako! Izao no ndeha hatao: rehefa mametraka aty amintsika ny golbara volamenany rehetra ny olona dia harendritsika ireo !


Ho ratsy fijery ny olona, tompoko...

Dia ahoana avy eo?



VOLAMENA tsotra be izao fotsiny...



Dia toy izany no niatombohan'ny tantaran'ilay seky tsy nisy anto-bola goavana indrindra voalohany tao amin'ilay fanjakana. Nizotra tsara araka izay noheverina. Dia nitondra ny golbara volamenany ny olona, ary dia narendrika avy hatrany izany, ka tsy heno intsony mihitsy ny aminy. Nanonta vola taratasy marobe ny mpanjaka Numis, ary nividy entana maro izay tratrany tetsy sy teroa ny olona. Mazava ho azy fa niakatra ny vidin'entana, ny volamena koa tahaka izany. Rehefa nihalafy vidy toy izany ny entana dia tsy niraharaha ilay vola borderiana teo aloha intsony ny olona.



Io asa izay mety nahatonga ny olon-tsotra Borderiana ho voahantona ho faty io no nomena anarana hoe **FIHARIAN-KARENA**.



Mazava loatra fa nohelohin'i Numis ho faty izay olona nitady hampiasa **FIHARIAN-KARENA** ho an'ny tombon-tsoany manokana.

Teo aloha, mba hakana ny volan'ny olona, dia tsy maintsy nampandoavina hetra mavesatra izy ireo.




Fomba bontolo, tsy mihaja.




Nohazonin'i Numis ihany ny fametrahana ny hetra, saingy rehefa azony natao kosa ny nanabontsina ny **ANKAPOBEM-BOLA**, satria izy no afaka mifehy ny **FIAKARAN'NY VIDIM-PIAINANA**, dia tsy mba nahantra vola taratasy mihitsy izy. Mazava loatra fa tetsy andaniny ny vidin'entana dia nidangana izay ts'izy.



Kanefa ny fiodin'ny toe-karenan'i Borderia, izay tafiditra tao anatin'ny **FOTOANAN'NY INDUSTRIA**, dia niroborobo fatratra. Natsangana nanerana ny fanjakana ny orina'sa isan-karazany, niasan'ireo borderiana, nandraisana karama. Numis sy ny fianakaviany no tompon'ny ankamaroan'ny orinasa, novidina na naorina tamin'ny ... vola taratasy.




Rehefa niakatra toy izany ny vidin'entana, dia nitaky fisondrotan-karama ireo mpiasa. Niteraka tsy fankasitrahana mahery vaika sy matetika avy amin'izireo izany.




Dia nihevitra ho mpanam-bola ny vahoaka nandritry ny fotoana elaela.

Ah ! Nanome golbara ihany no niafarany ka !


Nandresy e !
nandresy !



Dia lasa nitety ireo tsena ny olona mba hividy entana.



Te-HAMPIDANGANA NY TOMBOMBAROTRA ireo mpivarotra, ka dia nampiakatra ny vidin'entana nony hariva ny andro.



Raha mbola mitady hatrany ny olona, dia mora izany ny vidiny. Izay no lalànan'i Wall !


Dia aza adino koa ny mikaonty ny karaman'ny mpanampy, izay vao nakarina.

Arakaraky ny mampiova azy no ijanonany ho tahaka ny teo aloha ihany.

Tsy azoko !

Golbara roanjato ! Folo taona lasa, dia dimy ihany no azoko !

Fa hitanao ve ny vidin'entana ?



Inty vanin'andro
misy antsika !

Asa re, mitondra
mankaiza izao zavatra
rehetra izao !

Rtoa SOPHIA

Ody Fitia
Isan-karazany

?

Sophia !

Anselme !

Fa inona izato ataonao ?


Tsy hitanao nihavao
angaha aho !

Niofana tamin'ny siansa
"mirazotra" aho.

Fa maninona anareo
ny parapsykolojia ?

Raha azoko tsara ...
dia famosaviana ?

Tonga dia vavany ny anao izany an !



Tsy misy mampitaraina ahy aloha e !.. tamin'ny fotoana tsy nisian'ny sakafo, dia nampiditra golbara enina hetsy aho.

Golbara enina hetsy !



Na manan-karena na mahantra,
tsy dia midika inona izany rehefa
misy fotsiny ny vola.

AH! AH! AH!

Eto amin'ity fiainana efa lo ity,
dia zavatra iray ihany no tena
ambony noho ny vola...

Tsy azonao an-tsaina ve?..

Tsia...

Ah... haiko ka!

FOMBA FIDY
AMIN'NY
VONJ-PIANANA

FOMBA FIDY
AMIN'NY
VONJ-PIANANA

Izay ilay izy!

Aleo asiana voaly
takon-kenatra eto
amin'ity ampahan'ny
tantara ity aloha...





'Ty eto ny dite !

Ny rano avy nitenehana
FIOTORÔDENDRÔNA dia
manana toetra mampivavaka azy :
mitondra anao mankany
amin'ny **HO AVY**.

Dia ahoana
koa !!!



Ara-tsiantifika izany !
Hoy i Paracelse (*) hoe ...


Tsy misy
fotony !



Fa misy inona ?


Ahoana hoy
i Paracelse ?

(*) Alsimista malaza.




Sophia ?

Inty aho...




Fa mba aiza loatra isika izany e ?

Tsy niova toerana akory isika. Noheverin'ily Anselme kevo-dahy ratsy io ho dite mantsy ilay ravina **FIOTORÔDENDRÔNA**, ka izany no nihovantsika vanim-potoana tahak'izao ?



Oadray, ireto karazana milina marina !

F'angaha tsy mbola nahita **MILINA EKONOMIKA** mihitsy ianareo ?



Fa ... iza izao miteny izao ?

Izaho ka ! Izaho no dokotera Tirésias. Ekonomista aho ...

Izany hoe ianao no namorona ity milina eto ity ?




Soa fa tsy izaho ! Ny mandinika azy io ihany no ataoko.

Ary inona daholo ireto karazam-pantsona ireto ?




Ireo no antsoina hoe : **OLIKA EKONOMIKA.**




Karazana paompy visin'i Archimède roa no manetsika ilay ranoka (floyda) ekonomika, dia ny **FLOZY** izany, rehefa ao anatin'ireo fantsona. **FAMOKARANA** no ilazana ilay paompy mamerina, ary **FANJIFANA** kosa ilay paompy mitroka avy aty ambany.

Ny **FLOZY** dia azo avy amin'ny fanafangaroana **ERGÔLA*** sy rivotra. Ny **ERGÔLA** dia ranoka (floyda) **TSY AZO TSINDRIANA**. Noho ny fisian' ireo tapoaka anefa, dia manjary **AZO TSINDRIANA** ilay **FLOZY**.






(*) Avy amin'ny teny grika **ERGOS** : asa

Eo anelanelan'ny paompy **FAMOKARANA** sy ny paompy **FANJIFANA**




dia misy fitaratra ahazoana manombana ny **HAKITROKA** ananan'io ranoka ekonomika io.

LALÀNA VOALOHANY MOMBA NY FLOZÔDYNAMIKA



Ny hafainganam-pihodin'ny paompy **FAMOKARANA** dia ny **TOLOTRA**; raha ny **TINADY** kosa no maneho ny an'ny **FANJIFANA**.




Rehefa mifandanja ireo hafaingana roa ireo, na miaramiova, **MIARA-MISEHO** tsara, dia mitazona ny hakitrony ihany ilay **FLOZY** : **TSY MIOVA-OVA** ny **VIDY**.



Rehefa "misintona loatra" ny paompin'ny **FANJIFANA** sady tsy maharaka intsony ny **FIGADON'NY FAMOKARANA**, dia migestredra ilay **FLOZY**; mihena ny hakitrony, ary **MIAKATRA NY VIDY**.

Andraso...



FAMOKARANA

FANJIFANA




Dia manjary mikitroka kokoa ilay **FLOZY** : **MIHENA** ny vidy.

Ary raha hoe tsy mitombo fa **MIAMIADANA** ny fanjifana ?

Mitovy amin'izay koa rehefa tsy miova ny fandehan'ny **FANJIFANA**, ka mihamiadana ny **FAMOKARANA** : migestredra ilay **FLOZY** ary midangana ny vidin-javatra. Rehefa mihafaingana ny **FAMOKARANA**, dia tsindrin'ny **AMBIM-PAMOKARANA** ilay **FLOZY** ary **MIDINA** ny vidin-javatra.

FAMOKARANA

FANJIFANA




Arak'izany, ny vidy dia voafetra
HO AZY arakaraka ny fifandraisana
 misy eo amin'ny **FANJIFANA SY NY**
FAMOKARANA, ary koa eo amin'ny
TOLOTRA SY TINADY.

Misy **LANJANA**
ERGOLA voafaritra isan-
 tsegondra mandalo eo anatin'
 ny paompy **FAMOKARANA**.
 Io **VEZIKA-LANJA** io dia
 mitovy amin'ilay mandalo
 eo amin'ilay paompin'ny
FANJIFANA ihany.

Ary ny fifandraisana misy eo amin'ny
TOSAKA ARA-KADIRY sy ny **TOSAKA ARA-**
DANJAN'NY ERGOLA, izay mitranga eo anatin'
 ny paompin'ny fanjifana, dia antsoina hoe :
TAHA-BIDY.

Ndeha hojerentsika akaiky ity **MILINA**
EKONOMIKA ity.

Toa milina manana hetsika
 lalandava izy izany koa !



Tsia, tsy milina manana hetsika lalandava akory io.

Raha ny hevitra dia ...

Misy fikasohana ao anatin'ireo fantsona mpitarika, misy very ihany koa ny herinaratra mandalo amin'ny tariby. Ilay milina manontolo dia tsy mihodina araka ny tokony ho izy raha tsy misy **ANGOVO** entina.

LALÀNA FAHAROAN'NY FLOZÔDYNAMIKA

Tahaka izao no azo ilazana ity lalàna faharoan'ny flozodynamika ity :
TSY MISY MILINA EKONOMIKA AFAKA MANDEHA MITOKANA.

Tsy hoe mividy sy mivarotra ary mizara zavatra ihany akory no azon'ny olona atao. Tsy maintsy misy karazana **ASA MAHAVOKATRA** tanterahina any ho any, izay miainga amin'ny akora fampiasa sy ny angovo ilaina, amin'ny endrika anankiray.

Mazava loatra...

SEHATRA MAHAVOKATRA SY TSY MAHAVOKATRA

HIDIM-PANTSON' NY KARAMA

FITAOVANA FAMOKARANA

SEHATRA MAHAVOKATRA

RAHARAHA


Misy ampahana FLOZY mandeha mamonjy ireo tiorbinana karama, izay mamelona ireo dynamo an'ny fanjifana.

Ny sasany amin'ireo dia mitambatra, mivady avy hatrany amin'ny FITAOVANA FAMOKARANA. Izy ireo no mamorona ny SEHATRA ARA-KARAMA MAHAVOKATRA.

Noho izany, ny mpikarama dia tena MITOTO MAHAFOTSY mandritry ny taona, ka antsoina hoe TOTOFOTSY io hetsika io.

Tena vita mirindra tsara tokoa izy izany. Fa aiza ny olana ?

NY TAHAM-PAHAVOKARANA




Io ny fitaovana famokarana.
Ny "PAOMPY FOTOTRA" iaingan'ny
hetsika ekonomika manontolo.

Fa inona no REFY anehoana
io hetsika ekonomika io ?

Izao, ny HETSIKA EKONOMIKA dia mira amin'ny :
 $1/2 \text{ LANJANA ERGOLA } \times (\text{HAFANGANAM-PIKORIANA})^2$


Izany hoe : **HERY VELONA.**



Ny ventin-drefin'io **TSINDRY EKONOMIKA**
io dia ny **BARA.**


Heveriko avy hatrany
fa **BAROMETATRA** no
enti-mandrefy amin'
izany ?

Mba hampitomboana ny hetsika ekonomika, dia azo atao ny mampitombo ny **LANJANA ERGOLA**, izany hoe ny **HABETSAHAN'NY ASA OMENA**. Zava-dehibe koa nefa ny manatsara ny fomba hampiasana, hizarana io asa io : **TAHAM-PAHAVOKARANA**.





Ieee, aleo mivadika amin'ny fampiasana milina lehibe sy maoderina kokoa, izay ahitana fantsona be savaivo sy mpitondra rianaratra manana habe matanjaka, toy izay mampitombo avo roa na telo heny izay efa napetraka teo aloha.

Fa misy zavatra mbola manitikitika ahy ity : inona no mametra ny hadirin'ny **FLOZY** ao anatin'ilay milina ekonomika manontolo ?




FITOMBOAN'NY HARIN-KARENA SY ANKAPOBEM-BOLA


Ny **TENA** toetry ny **RAFITRA EKONOMIKA** iray dia voafaritry ny **LANJANA ERGOLA** mikoriana ao aminy. Izany moa dia ilay ampaha mikitroky ny **FLOZY**, na **HERY ENTI-MIASA**, miampy ny **HAFANGANAM-PIKORIANA** an'io **ERGOLA** io. Inona ary no mitranga raha manampy **SINGA ENTI-MAMOKATRA** iray vaovao ?



Io karazana fiasana enti-mamokatra io dia efa vonona miaraka amin'ny **ERGOLA** mahafeno azy. Izany indrindra no mahatonga ny fiakaran'ilay **HERY ENTI-MIASA**, ka mitady hampiakatra foana koa, mazava ho azy, ny **HAKITROKY NY FLOZY** (dia mampihena ny vidy). Ara-dalàna noho izany ny fanampiana tapoakan-drivotra misimisy, izany hoe mba hampiakarana ny **HADIRY ARA-BOLA** sy hitazonana ny **TSIFIOVAOVAN'NY VIDY**.



Ary ... ataoko fa manampy tapoakan-drivotra misimisy kokoa hatrany ianareo any ambadimbadika any, Sa ..? Dia izay no dikan'ilay fampiakarana moramora ny karama mba hifanaraka amin'ny zava-misy.



Ndeha hatao hoe ao anaty ambaratongana fandrosoana iray isika. Max ! Ianao no hilalao ny anjara-toeran'ny mpikarama amin'ny sehatra mahavokatra. I Albert dia ny sehatra tsy mahavokatra.




Tsy mahavokatra a ?




Eny e ! ny **RAHARAHA** sy **ADMINISTRASIONA**.

Eny ary, nisy singa enti-mamokatra vaovao nampidirina eo anivon'ilay milina ekonomika. Mandeha tsara izy izany. Mitombo roa ambin'ny folo bara ny eo amin'ny mpanondro ny tsindry ekonomika.

Ny fampandehanana io singa io dia manome **ASA**, ka mampihena ny **TSIFANANAN'ASA**. Amin'izay nefa dia ho mafy ny fitakiana fisondrotan-karama.



Okay, iny fa alefako ny fampitomboana ny tosaka.




Dia mitaky fampitomboana ny tosaka isika !



Ny **VIDY** ... izay ! ... moramora ...




Miakatra ny vaika. Tsy dia misy very loatra ao amin'ny **OLIKA FIZARANA**.



Miakatra ny tosaky ny **ERGOLA** anaty paompy fizaràna. Mihatsara koa ny **FARI-PIAINANA**.


F'angaha moa
tonga ho azy teo io singa
enti-mamokatra vaovao io ?



Marina ny anao !
Mila maka ampahany amin'ilay
hery velona amin'ny FLOZY mba
hanodinana ny FAMORONANA sy
HANATSARANA HO MAODERINA
ny fitaovana FAMOKARANA.




NY FAMPIASAM-BOLA



Tonga !

Ity ezaka ity dia
tsy maintsy maharitra,
raha tsy izany dia ts'isy
fanafana fa ho antitra ny
fitaovana famokarana.




KLINK!
KLOK!

Simba tanteraka

Tsentsina
ireo karazana
fantsona.

Potika koa ireo olik'aratra (TAMBA-JOTRA
FIZARANA) : betsaka ny very etsy sy eroa.



NY RENIVOLA, NY TOMBONY, NY HETRA, NY TAHIRY




Ny fikorianan'ny FLOZY dia voaporitr'ireo karazana very avy amin'ny tambatra isan-karazany sy ireo fizarazarana fototra marobe isan-tsokajiny. Ary aty ambanin'ilay paompin'ny famokarana, dia manodina tiorbina mivady amin'ny fitaovana mpiteraka angovo iray avy hatrany ilay ERGOLA. Misy ampahany amin'io angovo izay azo teo io ampidirina ao anaty olikana tambatra iray antsoina hoe : TAMBA-TSARA ARA-TSOSIALY. Ny ampahany iray hafa dia mankany amin'ny SARAM-PAMOKARANA, ary ny ambiny kosa hanafanana ny fandoman-tongotr'andriamatoa MPAMPIFLOZY.

Inty, eto andaniny
atoa MPAMPIFLOZY...

Etsy ankilany kosa ny oliky ny
TAMBA-TSARA ARA-TSOSIALY




**ANTOKA
ARA-TSOSIALY**




**FISOTROAN-
DRONONO**

**FANOMEZAM-BOLA
HO AN'NY ANKOHONANA**



TSIFANANANA ASA



KAPITALY

Dia tehirizin'i MPAMPIFLOZY
ao anaty vazin'itatra iray ny FLOZY,
ka manjary mamadika ny angovo ara-
kalakin'ny ERGOLA ho tonga
angovon'aratra : ny KAPITALY.



FAMPINDRAMAM-BOLAN'NY BANKIM-PANJAKANA

FAMPINDRAMAM-BOLA


FAMPIASAM-BOLA

TOMBOMBAROTRA AFAKA HETRA

TAHIRY


MANKANY AMIN'NY FAMORONANA SY
FANATSARANA HO MAODERINA

Ny **TOMBOMBAROTRA AFAKA HETRA** sy ilay antsoina mahazatra hoe **TAHIRY** no mamatsy ny kiovan'ny **KAPITALY**.




Mifamadika amin'izay indray nefa, ny **FLOZY** ao amin'io vazin'itatra io dia azo alefa mankany amin'ireo tiorbina roa izay mivady amina fitaovana mpamokatra angovo. Ny iray dia mamatsy ny miliko, ilay milina famoronana sy fanatsarana ho maoderina. Ny iray hafa kosa no antsoina hoe **FAMPINDRAMAM-BOLA ARA-BAROTRA**.


Ankoatr'izany, ny **SINISTRY NY VOLA** dia manana kesy sahala amin'io kiova io, izay vatsiany amin'ny alalan'ny hetra. Misy karazana **HETRA** vitsivitsy alainy mialoha amin'izany; ny **HETRA AMIN'NY TOMBOMBAROTRY NY ORINASA** aloha, avy eo ny **HETRA MIVANTANA, AVY AMIN'IREO FIDIRAM-BOLAN'NY OLONA**, ary farany, aty ambonin'ny **PAOMPY FANJIFANA**, ny **HETRA TSIMIVANTANA**, ohatra hoe ny **HABA ALAINA AMIN'NY VIDIN'ENTANA (TVA)**.




Indreto ary ireo
**FANDANIAM-BOLAM-
PANJAKANA.**




FOLOALINDAHY



FAMPIANARANA - FIKAROHANA




SOSIALY



KALESIN'NY FANJAKANA
izao io e ?

Ary mba ahoana no fandehan'ny
TAHIRY sy ny **FAMPINDRAMAM-
BOLA** ?




Ara-poto-kevitra, ireo vazin'itatra, izany hoe ny **KAPITALY**
sy ny **KESIM-PANJAKANA** dia manana rafitra ahafahana
manaraka ny **FAMPIFANARAHANA** ny fandehany. Hitantsika
teo fa ilay **MILINA EKONOMIKA** dia manana toetra **MIOVAOVA**,
satria eo amin'ny **FAMOKARANA** sy ny **FANJIFANA** dia misy
fifandrohizana mandrakariva, ary ny milina amin'izay dia miraika
mankamin'ny fihodinana mafy tsy miato, ka mampiakatra ny
VIDY.



Dia taomina ny mpiasa mpikarama mba hametraka
ny **FLOZIN'**izireo ao anatin'ireo vazin'itatra roa ireo...





Tena tombony ho an'ny tsirairay mihitsy ny mandray anjara amin'io fandrosoan'ny harin-karena faobe izay imatimatesantsika io. Ao anatin'ity karazana gamela natokako ho an'ny FLOZY ity, dia nasiako efitra iray manokana (*), ahafahanareo mametraka ny FLOZInareo. Dia ny fiakatra ankapoben'ny hadirin'ny KAPITALY no hametra ny sandany amin'izany.



Tsy misy atahoranao ny amin'io, fa homeko fidiram-bola isan-taona ianao. Koa ampiasao ary ilay FLOZY.

Noho io petra-bola maharitra io, dia ho afaka mampiasa vola sy manatsara ilay milina ekonomika isika.



Apetraho amin'ny toerana azo antoka ary ny FLOZInao. Tsinjovy ny HO AVY. Misy antoka isan-taona homeko, dia fidiram-bola ho anao izany. Ary raha toa ka apetrakao ato mandritry ny fotoana maharitra ireo tahirinao, dia homeko zava-tsoa tokoa ianao eo amin'ny lafin'ny hetra aloanao.

Tena zava-dehibe ny fametraham-bola, ka amin'izay dia afaka manatsara ilay milina ekonomika.




Hmm...

(* Banky tsimiankina, aksiona.


FOTOANA FOHY TATO AORIANA ...

Tsy dia manao ahoana akory ny zavatra nomeny antsika, saingy toa nahazo kely ihany isika izany anefa raha ny hadiry no jerena.




Tsora loatra 'nareo izany ! Mandroso anie ny hetsika ekonomika e ! Mifanaraka hatrany ny fampiasana singa enti-mamokatra vaovao sy ny fiakaran'ny tamba-danjan'ny **ERGOLA**. Izao anefa, ampidirany tapoaka be loatra ao anatin'ilay milina, ka mihena tsy miato ny **HAKITROKY** ny **FLOZY**. Rehefa jerena avy eo dia tsy mahazo ihany ianao.

Raha azoko tsara ny tianao lazaina, dia **NIHENA** ny habetsahan'ny **ERGOLA**, ilay ampahany mikitroka amin'ny fangaro, raha toa ka nantenaina hiakatra ?!




Mazava be anie izany e !

Kanefa dia nisondrotra ny karamantsika. Jereo ! Mila ho avo roa heny izao ny tosaka.



Ka izao ! Mitoto mahafotsy **RIVOTRA** eo fotsiny ianao, **FLOZY** manana hakitroka mihena hatrany. Jereo ny vaikany !



Zara raha niakatra marina ...


Ny tena **FANDROSOAN'NY HARIN-KARENA** dia tsy ny fiakaran'ny hadirin'ny **FLOZY** mifangaro akory, fa ny habetsahan'ny **ERGOLA** ao anatiny. Dia toa izany koa, ny fiakaran'ny **FARI-PIAINANÁ** dia tsy ny **TOSAKA** (karama), fa ny **VAIKA** (**FAHEFA-MIVIDY**).

Tsy misy fomba ahafahana mametraka mitokana ny **FLOZY** izay ananana angaha ?

Raha te-hitahiry azy ianao, mba **TSY HIOVA NY LANJANY**, dia tsotra ihany ny ataonao : **MAMPANDRY** azy.

Hevitra tsara be ! Aleo izany ampandriana daholo izay azo ampandriana mba hialana amin'ny **FIDANGAN'NY VIDIM-PIAINANA**, izay tena manimba ny harin-karena tokoa.

Fa dia vita hatreo koa anefa ny amin'ny **FLOZY** raha izany no izy; Ny antony ampiasana ny **FLOZY** dia noho izy io **MANANA TOETRANA RANOKA. NY FAMPANDRIANA IREO RENIVOLA** dia manakana tanteraka ny fihodinan'ny milina ekonomika.



Inty eto misy paipo-laino !?!


Io ranoka saro-bidy io, izay avy any amin'ny faritra efitra lavitra any, no mamana ny vilanibem-pana ampiasaina amin'ilay milina ekonomika. Mba hitarihana io ranoka io, dia betsaka ny angovo ilaina.

(FAKTIORAN-TSOLITANY)



Miompampana!

Ho setrin'izay, ny paompin'ny fanjifana (**FANONDRANANA ENTANA ANY IVELANY**) (*) dia vatsian'ny mpitondra aratra iray.



PAOMPIN'NY FANJIFANA

FANONDRANANA

(*) NY FIHARIAN-KARENA IFANDRAISANA AMIN'NY FIRENEN-KAFA dia horesahina amin'ny boky hafa : INFLATRÔNA IRAISAM-PIRENENA.

NY DONA ARA-TSOLITANY

Ah, ingahy **SINISTRA**




Inona hono
no voalaza ato ?



Oadray...



Ahoana a !?!



Nakaran-dry zareo ny filazam-bidy !

Toa miha-mangatsiaka izy izany !


**SARAM-
PAMOKARANA**



Ara-dalàna izany satria
ny rianaratra manontolo dia
lasa mankany amin'ny mpitondra
ny **SARAM-PAMOKARANA**.

TAMBA-TSARA ARA-TSOSIALY

Ô ry zalahy a ! Mihena izany fihodinan'ny milina izany, sady milatsaka be ny tsindry.




Fa misy inona ?



Nakaton'i Mpampiflozy avokoa ireo singa enti-mamokatra tsy **MAHOMBY** rehetra.




Mitombo ny **TSIFANANANA ASA**.




Inona ity ataonao ?



Aleo mividy dieny izao, fa hiakatra ny vidin'entana. Nampiasaiko daholo ny **TAHIRY**, ary **MIHINDRAM-BOLA** koa aza aho.




Fa inona no ataon'i Mpampiflozy ?




Toa hoe mampiditra rivotra moramora ao anatin'ilay kiovan'ny izy io (**FISONDROTRY NY VIDIM-PIAINANA AMIN'NY ALALAN' NY FAMPISAMBORAM-BOLA**).

Izany hoe ... manao ... vola ... sandoka i Mpampiflozy ?




Tsy dia izany loatra... Fa io **FOMBAN'ASAN' NY BANKY** io, ny taratasy, ny fanekena amin'ny fampindramana... ireo rehetra ireo dia toa mahalasan'eritreritra ihany, fa sahala amin'ny vola mandehandeha. Raha loarana ny kiovan'i Mpampiflozy indray andro any, dia hahita ny tsy fahita isika...

Ny fihazakazahana aty amin'ny **FAMPINDRAMAM-BOLA** sy ny fialan'ny **FAHATOKISANA** no nampirongatra ny **FANJIFANA**, ka nanjary **NIDANGANA** ny vidy...




Tsy maintsy atsahatra io hazakazaka io.

Diso tafahoatra ny **FLOZY** ampindramin'i Mpampiflozy ny olona. Izaho koa anefa mba mampindrana azy ihany koa...




Samy mampindrana daholo izany ny olona rehetra ?




Ah, hainao fa feno rivotra anie amin'izany fampindramana izany e !

Hahenako mihitsy ny fampindramako azy, mba tsy hampindramany fahatany etsy sy eroa, fa mba hieritreritra tsara aloha izy vao mampindrana...



Eh, ary ahoana ireo vola ampiasaiko !!

Izay ! Vita milamina aloha ny amin'iny raharaha momba ny fampindramam-bola iny. Ny **KESIM-PANJAKANA** nefa ity miha-ritra fatratra...




Inona ary no azo atao ? Mampitombo ny hetra mivantana ?... Sa ny hetra ... tsimivantana ?... Ny hetra alaina amin' ny tombombarotry ny orin'asa ?...




Ny hetra rehetra ...

Mitaky fampiakarana
ny tosaka izahay !




Andriamatoa **SINISTRA**, milatsaka be
ny tsindry ao anatin'ireo fantsona mpitondra.
Manondro ambany ny **BAROMETATRA**.

Kely sisa dia ho foana ny kesy !




Fa inona ity nahazo ahy
ity marina mafy !?!




Ny kesim-panjakana no
mampandeha io takamoa
goavana be io.

Tonga dia hitan'ny
olona avy eny lavitra eny
isika amin'izao !




Vonoy faingana io raha tsy
te-hahita loza eto isika mianakavy !

Ampitomboy ny tosaka,
raha tsy izany dia hajanonay
ny **TOTOFOTSY** !



Eny ary e !...
Izao dia izao...

Fara-hevitra sisa tavela.





Manao inona ny SINISTRA izany ?

Mametaka ireo kiovabeny
hiaraka amin'ny olika mitondra
ny FLOZY izy.

dia vatsian'ireo ny
KESIM-PANJAKANA

Mba goavana koa ireto tahiry fiandry !
Tsy nampoizina, nefa manome toky. Ary
inona nefa ny ao anatin'ny ?

Tsy
fantatro
mihitsy.



Ah, tonga ihany ny
fiakaran'ny tosaka marina.
Sady amin'ny fotoany !

VROA0000

Ao tsara ny vaika !
Tena mihodina tsara koa
ilay paompin'ny fanjifana.


Eh, tandremo ! Ny vidy !!!

Ka maninona moa ? mihodina tsara kokoa izao ny milina, ary manome tosaka ireo paompy.



Iee, nefa jereo kely fa midina daholo ny vaika hatraiza hatraiza !

Misy zavatra tsy mety ao. Mitoto mahafotsy araka izay tratra ny olona, nefa toa tsy misy vokany akory izany.




Inona no nampidirin'ilay SINISTRA iny tao anaty ranoka ekonomika ?!?



Aleo hojerentsika izay ao anatin' ireo kiovabe mahavariana ireo !

Inty eto misy varavarana !

Ndao hiditra!



FOANA !!!



Efa ritra **SAHADY** koa izany izay tato anatin'ireto kiova ireto, hoy ianao ?

Tsia, **FOANA HATRAMIN'NY VOALOHANY** nametrahana azy ireo !

Ohatr'izao daholo no ataon'ny **SINISTRA** rehefa tsy mandeha ny raharaha. Ampidirany tapoakana **RIVOTRA** makadiribe eo anivon'ireo olik. Amin'ny voalohany dia manosika ny **FLOZY** io rivotra io, sahala amin'ny **VELY KARAVASY**.

Mihem-bidy ny **TAHIRY**.

Shhh, tsy misy dikany intsony koa ny tahiriko.

Karazana **FAHAFOANANA EKONOMIKA** ve ?

Tena **TS'ISY**, zato isan-jato ?


Nefa dia lasa mifangaro ihany ireo zavatra rehetra ireo, ka ny vokany dia tonga mihena ny hakitroky ny **FLOZY**.

Miakatra ny vidin'entana.


Ny **RENIVOLA** koa ...

MPAMPIFLOZY!

Misy renivola mivoaka amin'ny lalan-tsy izy ! Ilay tsy vanona !!!



Soa fa tsy tara isika, marina !..




Mila ny renivolanao aho, ry Mpampiflozy !



Aza manao fanahin-jaza eo !

Fa nankaiza izy ?

Hm, mandry !!!



Namela hafatra izy...





Tazonny ny karama, ahenao ny hetra alaina amin'ny tombombarotry ny orin'asa, toy izany koa ny tamba-tsara ara-tsosialy, ary omeo fanampiana izahay mba hahafahanay mampiasa vola.


Atoa Mpampiflozy

Kanefa..., hidina ambany dia ambany mihitsy ny **FAHEFA-MIVIDY**. Hikotaba ny olona. Ary hihena ny fihodinan'ny paompin'ny fanjifana.

Ndeha hatomboka amin'ny fitsitsiana
an'ity solitany tsy manjary ity !



Tsy misy dikany intsony ilay FLOZY.
Ampitomboy indray ny tosaka !!



Tsy efa niteny
izahay !

Hadalàna !


Vita hatreo
izany koa !..

Fa ..., tamin'
izaho Sinistra
kosa mbola nisy
nojerena koa...



FEHIN-TENY


Jereo, mbola singa enti-mamokatra nesorina tanteraka indray koa 'ty.



Mila manamboatra iray hafa... maro hafa mihitsy aza...




Andriamatoa SINISTRA ...





Ka, raha mamorona ministera iray hafa aho?... na sekretariam-panjakana ?

An ?

Andriamatoa SINISTRA, ny fanaovana dingana lehibe ihany no vahaolana. Tsy maintsy **MAMORONA**, mandrafitra fiasana enti-mamokatra maoederina.



Tsy maintsy ampiasaina ny **SAINA**.



Ny **VERY AM-PANDEHANANA** no tena loza eto amin'ny firenentsika ...



TAPITRA